

Kndusan Knxalan Sayang

Kndusan sayang o ida wada kpriyux paru bi da. Kana ka ana manu, paru bi ini ktina ka kndusan sayang ni seuxal. Quri saw lnglungan seejiq babaw dxgal ksun ga, yabi mntru hari hngkwasan do uxay uri o rima hari hngkwasan do o, ida wada mdudul ka knpriyuxan na ni ini ktina da. Niqan kingal ka patas “ priyux ” msa ka hangan patas nii, ida balay bi ini kpriyux ka elug kari uuda nii ksun.

Angal ta kingal quri kari uuqun, rmngaw kndusan seejiq babaw dxgal hini sayang. Yasa seuxal o mhuma cicih sari ni bunga han, rahuq na do musa miying uuqun bbuyu da. Ida ini suqi mangal egu uuqun wah! Mtuku uqun tnsapah do mqaras da ini sliq uqun, yasa niqan bi lnglungan dha ka seejiq sexual. Ini huma ni ini tabug ana manu uri ka sexual, yasa mttuku bi ka uuqun siida.

Manu ka sayang dga nii prana bi smalu egu klgan phmaun ni kana tbugun da. Ana manu uuqun, mmahun ni djiyun o ida mttuku bi kana da, ungac ka ini dhqi smmalu, msblaiq ni mtngi bi mkan ana manu ka seejiq. Ana bi rabang knsuyang ka kndusan knxalan sayang da.

Kiya ni rngaw ta quri saw lkusun lukus rudan seuxal, ida baka nanaq hiya ka lkusun lukus tnsapah, ungac ka sngari na. Manu ka sayang do maku

ksyangan knklgan ka snalu ni pnspingan o ini hari snqlingi dmuuy ni wada mrana bi knpriyux kdjiyax ka lkusun seejiq da.

Quri saw nniqan knklgan spsapah o paru, llabang ni mgdhug bi, ini kiisug bgihur pari ni runug. Kana ka tqiyan, hpuyan, samaw, qsiya... ana manu djiyun kska sapah o mttuku bi uri. Rahuq na hiya o saw ka quri hbangan, elug paru, ttgsa, qqpahun klwaan ni alang, sqlahang qsahur ni qbubur, knsyangan smnlaan qyqaya.... Ida wada mdudul kpriyux paru ni psgblaiq mudus babaw dxgal seejiq sayang.

Kiya ka kiya ni ana saw nii mgblaiq bi babaw dxgal sayang ka seejiq o, ida nii mrana egu bi mquri naqih uri ka kndusan, uxay ka malu bi kana. Saw sqian pusa sahu ka dxgal, ana manu ka uuqun seejiq, ana manu mqraqil mnarux o nii mdudul smriyu kana uri da. Sqian mhhraw qnbliqan lipax kndusan knxalan seejiq do rinah mrana qnnaqih ka lnglungan seejiq uri, empeungac ka ksun balay bi seejiq da. Naa ta bi knbiyax mseupu pskingal bi lnglungan, psbrinah lmnglung mnduwa muda kana duri. Saw musa mseupu bi muudus ni msblaiq mniq babaw dxgal ka ana ima.

現代生活

過去與現代的生活大不同。人的思想觀念每隔三或五年就慢慢改變而不同，就如「變」這詞。傳統生活至野外採集食物就很足夠，而現代種植各類作物、養殖畜牧類，充足有餘。

現在的經濟、交通、教育、政治、社會、衛生、科技等等改變，但也有很多負面的部分。如土地過度使用肥料，用在人的飲食上，也影響了健康。人類過度追求外在的物質享受，時人內心惡念也漸多。理當努力專心反省，好好的去做，願在世能共存共榮。